

DIE XXV. JUNII  
IN FESTO  
S. MAXIMI  
EPISCOPI TAURINENSIS  
ET CONFESSORIS  
DUPLEX MINUS

*Ex Decreto 13. Maji 1805.*

MISSA STATUIT &c. de Communi Conf. Pontif.

---

ORATIO.

**D**eus, qui ad erudiendos populos, & in viam salutis promovendos  
B. MAXIMUM Confessorem tuum, atque Pontificem singulari sapientia,  
& admirabili charitate decorasti: concede propitius, ut ejus monita,  
& exempla secuti, ad æternæ vitæ præmia, ipsius suffragantibus  
meritis, pervenire feliciter valeamus. Per Dominum.



CASALI MDCCCV.



Fondazione Diabete To  
Museo del Diabete  
Libri Antichi  
98



DIE XV. JULII.

IN FESTO S. HENRICI  
Confessoris, Missa. Os justi. ut in Com-  
muni Confess. non Pontif. fol. xiv. Oratio.

**D**Eus, qui hodierna die beatum Hen-  
ricum Confessorem tuum è terrèni  
cùlmine Impèrii ad Regnum ætèrnum  
transulisti: te supplices exoramus, ut si-  
cut illum, gràtiæ tuæ ubertate prævèntum,  
illécebras sæculi superare fecisti; ita nos fá-  
cias, ejus imitatione, mundi hujus blan-  
dimènta vitare, & ad te puris mèntibus  
pervenire. Per Dòminum nostrum.

Reliqua ut in eadem Missa.

•••••

DIE XVI. JULII.

IN FESTO B. VIRGINIS MARIÆ  
de Monte Carmelo. Introitus.



Audeamus omnes in Dò-  
mino, diem festum cele-  
brantes sub honore beatæ  
Mariæ virginis: de cujus  
solemnitate gaudent Ange-  
li, & collaudant Filium

Dei. Psalm. 44. Eructavit cor meum ver-  
bum bonum: dico ego ópera mea Regi.  
V. Glória Patri, &c. Oratio.

**D**Eus, qui beatissimæ semper virginis,  
& Genitricis tuæ Mariæ singulári tí-  
tulo Carmeli Ordinem decorasti: concède  
propitius; ut cujus hódie Commemoriati-  
onem solèmniter celebramus officio, ejus mu-  
niti præsidiis ad gáudia sempitèrna perve-  
nire mereamur: Qui vivis, & regnas.

Lectio libri Sapientiae. Eccli. 24. c.

**E**GO quasi vitis fructificavi suavitatem  
odóris: & flores mei fructus honóris, &  
honestatis. Ego mater pulchræ dilectionis,  
& timóris, & agnitionis, & sanctæ spei.  
In me grátia omnis viæ, & veritatis, in me  
omnis spes vitæ, & virtutis. Transíte ad me  
omnes qui concupiscitis me, & à generati-  
onibus meis implèmini: Spiritus enim meus  
super mel dulcis, & hæreditas mea super  
mel, & favum. Memória mea in genera-  
tiones sæculórum. Qui edunt me, adhuc  
esúrient: & qui bibunt me, adhuc sitient.  
Qui audit me, non confundetur: & qui  
operántur in me, non peccábunt. Qui elú-  
cidant me, vitam ætèrnā habébunt.

Graduale. Benedicta, & venerabilis es

virgo María, quæ sine tactu pudóris, in-  
vènta es Mater Salvatóris. V. Virgo Dei  
Génitrix, quem totus non capit orbis, in  
tua se claudit viscera factus homo.

Allelúja, allelúja. V. Per te, Dei Géni-  
trix, nobis est vita pérdita data: quæ de  
cælo suscepisti prolem, & mundo genuisti  
Salvátorem. Allelúja.



Sequèntia sancti Evangélii secún-  
dum Lucam. Lucæ 11. d

**I**N illo témpore: Loquente Jesu ad tur-  
bas, extóllens vocem quædam mûlier  
de turba, dixit illi: Beátus venter, qui  
te portávit; & úbera, quæ suxisti. At ille  
dixit: Quinimò beáti, qui áudiunt ver-  
bum Dei, & custódiunt illud. Credo.

Offertorium. Recordáre, virgo Mater,  
in conspèctu Dei, ut loquáris pro nobis  
bona: & ut avértat indignationem suam  
à nobis. Secreta.

**S**ANCTIFICA, Dómine quæsumus, oblata  
libamina: & beatæ Dei Genitricis Ma-  
riæ salubérrima intercessiõne, nobis sa-  
lutária fore concède. Per eúmdem Dò-  
minum nostrum.

Præfatio, Et te in Commemoratione be-  
atæ Mariæ. fol. 164.

Communio. Regina mundi dignissima,  
María virgo perpétua, intercède pro no-  
stra pace, & salute: quæ genuisti Christum  
Dòminum Salvátorem ómnium.

Postcommunio.

**A**Djuvet nos, quæsumus Dómine, glo-  
riósæ tuæ Genitricis, sempérque virgi-  
nis Mariæ intercessio veneranda: ut quos  
perpétuis cumulávit beneficiis, à cunctis  
periculis absolútos, sua fáciat pietate con-  
córdes. Qui vivis, & regnas.

•••••

DIE XVII. JULII.

IN FESTO S. ALEXII  
Confessoris. Introitus. Psalm. 36.



S justi meditabitur sapien-  
tiam, & lingua ejus loquétur  
judicium: lex Dei ejus  
in corde ipsius.

Psalm. ibid. Noli æmulá-  
ri in malignántibus: neque  
zeláveris facientes iniquitatem.

V. Glória Patri, & Filio, &c.

Y 2

Ora-







am pro nobis p[ro]suevit: & nos debemus pro fratribus animas ponere. Qui habuerit substantiam hujus mundi, & viderit fratrem suum necessitatem habere, & clauferit viscera sua ab eo: quomodo caritas Dei manet in eo? Filioli mei, non diligamus verbo neque lingua, sed opere & veritate.

Graduale. Psalm. 36. Os iusti meditabitur sapientiam, & lingua ejus loquetur iudicium. V. Lex Dei ejus in corde ipsius: & non supplantabuntur gressus ejus. Allelúja, allelúja. V. Psalm. 111. Beatus vir, qui timet Dominum: in mandatis ejus cupit nimis. Allelúja.


In Missa votiva post Septuagesimam, omissis Allelúja, & V. seq. dicitur Tractus. Psal. 111. Beatus vir, qui timet Dominum: in mandatis ejus cupit nimis.

V. Potens in terra erit semen ejus: generatio rectorum benedicetur.

V. Glória, & divitiæ in domo ejus: & justitia ejus manet in sæculum sæculi.

Tempore Paschali omittitur Graduale, & ejus loco dicitur, Allelúja, allelúja.

V. Ibidem. Beatus vir, qui timet Dominum: in mandatis ejus cupit nimis. Allelúja. V. Osee 14. Justus germinabit sicut lilium: & florebit in æternum ante Dominum. Allelúja.



Sequentia sancti Evangelii secundum Joannem. Joann. 15.

**I**N illo tempore: Dixit Jesus Discipulis suis: Hoc est præceptum meum, ut diligatis invicem, sicut dilexi vos. Majorem hac dilectionem nemo habet, ut animam suam ponat quis pro amicis suis. Vos amici mei estis, si feceritis quæ ego præcipio vobis. Jam non dicam vos servos: quia servus nescit quid faciat Dominus ejus. Vos autem dixi amicos: quia omnia quaecumque audivi à Patre meo, nota feci vobis. Non vos me elegistis: sed ego elegi vos, & posui vos ut eatis, & fructum afferatis; & fructus vester maneat: ut quodcumque petieritis Patrem in nomine meo, det vobis.

Offertorium. Psal. 20. In virtute tua, Domine, lætabitur Justus, & super salutare tuum exultabit vehementer: desiderium animæ ejus tribuisti ei.

Miss. Rom.

Secreta:

**H**ostia immaculata, qua illud Domini nostri Jesu Christi immensæ Caritatis opus renovamus, sancto Camillo intercedente, sit contra omnes corporis, & animæ infirmitates salutare remedium, & in extremo agone solatium, & tutela. Per eundem Dominum nostrum.

Pro SS. Symphorosa, & septem Filiis Martyribus.

Secreta.

**M**unera tibi, Domine, nostræ devotionis offerimus: quæ & pro tuorum tibi grata sint honore justorum, & nobis salutaria, te miserante, reddantur. Per Dominum nostrum.

Secreta. Exaudi nos Deus, vel, Oblatis, Domine, placare. fol. li.

Communio. Matth. 25. Infirmus fui, & visitastis me: Amen, amen dico vobis: quamdiu fecistis uni ex his fratribus meis minimis, mihi fecistis.

Postcommunio.


**P**ER hæc cælestia alimenta, quæ sancti Camilli Confessoris tui solennia celebrantes pia devotione suscepimus, da, quæsumus Domine: ut in hora mortis nostræ, Sacramentis refecti, & culpis omnibus expiati, in sinum misericordiæ tuæ læti suscipi mereamur. Qui vivis, & regnas.

Pro SS. Symphorosa, & septem Filiis Martyribus.

Postcommunio.

**P**resta nobis, quæsumus Domine, intercedentibus sanctis martyribus tuis Symphorosa, & filiis ejus: ut quod ore contingimus, pura mente capiamus. Per Dominum nostrum.

Postcommunio. Mundet, & muniat nos, vel, Sumpsimus Domine, beatæ Mariæ semper virginis. fol. li.



DIE XIX. JULII.

IN FESTO S. VINCENTII a Paulo Confess. Introitus. Psal. 91.



Ustus, ut palma florebit: sicut cedrus Libani multiplicabitur: plantatus in domo Domini, in atriis domus Dei nostri.

Psal. ibid. Bonum est confiteri Domino, & psallere nomini tuo, Altissime. V. Glória Patri, & Filio, &c.

Y 3

Ora-



## Oratio.


**D**Eus, qui ad evangelizandum pauperibus, & Ecclesiastici ordinis decorem promovendum, beatum Vincéntium Apostólica virtute roborasti: præsta quæsumus; ut cujus pia mérita venerámur, virtutum quoque instruámur exémplic. Per Dóminum nostrum.

Lectio Epistolæ beati Pauli Apóstoli ad Corínthios. 1. Cor. 4. b

**F**Ratres, Spectáculum facti sumus mundo, & Angelis, & hominibus. Nos stulti propter Christum, vos autem prudentes in Christo: nos infirmi, vos autem fortes: vos nobiles, nos autem ignobiles. Usque in hanc horam & esurimus, & siti-mus, & nudi sumus, & colaphis cædimur, & instábiles sumus, & laborámus operántes manibus nostris: maledicimur, & benedicimus: persecutió-nem patimur, & sustinémus: blasphemámur, & obsecrá-mus: tamquam purgamenta hujus mundi facti sumus, ómnium peripséma usque adhuc. Non ut confundam vos, hæc scribo, sed ut filios meos charíssimos moneo in Christo Jesu Dómino nostro.

Graduale. Psal. 36. Os justi meditabitur sapiéntiam: & lingua ejus loquétur judicium. V. Lex Dei ejus in corde ipsius: & non supplantabúntur gressus ejus.

Allelúja, allelúja. V. Psal. III. Beátus vir, qui timet Dóminum: in mandátis ejus cupit nimis. Allelúja.

 Sequéntia sancti Evangélíi secúndum Lucam. Lucæ 10.

**I**N illo témpore: Designávit Dóminus & álios septuaginta duos: & misit illos binos ante faciém suam, in omnem civitátem, & locum, quò erat ipse ventúrus. Et dicébat illis: Messis quidem multa, operárii autem pauci. Rogáte ergo dóminum messis, ut mittat operários in messem suam. Ite: ecce ego mitto vos sicut agnos inter lupos. Nolite portáre sácculum, neque peram, neque calceaménta, & néminem per viam salutavéritis. In quamcúmque domum intravéritis, primùm dicite: Pax huic dómui: & si ibi fúerit filius pacis, requiescet super illum pax vestra: sin autem, ad vos revertétur. In eá-

dem autem domo manéte, edéntes, & bibéntes, quæ apud illos sunt: dignus est enim operárius mercéde sua. Nolite transire de domo in domum. Et in quamcúmque civitátem intravéritis, & fuscéperint vos, manducáte quæ apponúntur vobis: & curáte infirmos, qui in illa sunt, & dicite illis: Appropinquávit in vos regnum Dei.

Offertorium. Psalm. 20. In virtute tua, Dómine, lætábitur justus, & super salutá-re tuum exultábit veheménter: desidérium animæ ejus tribuísti ei. Secreta.

**P**Ræsta nobis, quæsumus omnipotens Deus: ut nostræ humilitátis oblátio, & pro tuórum tibi grata sit honóre Sanctórum, & nos corpore páriter & mente purificet. Per Dóminum nostrum.

Communio. Matth. 19. Amen dico vobis, quòd vos, qui reliquistis ómnia, & secúti estis me, centuplum accipiétis, & vitam ætérnam possidébitis. Postcommunio.

**Q**Uæsumus omnipotens Deus: ut qui cæléstia aliménta percépimus, intercedente beáto Vincéntio Confessóre tuo, per hæc contra ómnia advérsa muniámur. Per Dóminum nostrum.

~~~~~

DIE XX. JULII.

IN FESTO S. MARGARITÆ VIRG.

& mart. dicitur Missa. Me expectavérunt. de Comuni Virg. & Mart. fol. xviii.


~~~~~

DIE XXI. JULII.

IN FESTO S. PRAXEDIS

Virginis.

Introitus. Psalm. 118.

 Oquébar de testimoniis tuis in conspéctu regum, & non confundébar: & meditábar in mandátis tuis, quæ diléxi nimis.

Psal. ibid. Beati immaculati in via: qui ámbulant in lege Dómini. V. Glória Patri, &c. Oratio.

**E**Xáudi nos, Deus salutáris noster: ut sicut de beátæ Praxedis virginis tuæ festivitáte gaudémus, ita piæ devotió-nis erudiámur afféctu. Per Dóminum.

Lectio Epistolæ beati Pauli Apóstoli ad Corínthios. 1. Cor. 7. c

**F**Ratres, De virginibus præcéptum Dómini non hábeo: consilium autem do, tam-



## I N F E S T O

S. HIERONYMI ÆMILIANI  
CONFESSORIS.

INTROITUS.

*Jer. thr. 2. 11.*

**E**ffusum est in terra jecur  
meum super contritiōe fi-  
liæ Pópuli mei, cum defi-  
ceret párvulus, & lactens  
in platéis óppidi.

*Psal. 112.* Laudáte púeri  
Dóminum: laudáte nomen

Dómini. Glória Patri, &c. Effusum est,  
in terra, &c. Glória in excéllis, &c.

OREMUS.

**D**eus, Misericordiárum Pater, per mé-  
rita, & intercessiōnem B. Hieróny-  
mi, quem Orphanis adjutórem, & Patrem  
esse voluísti: concéde, ut spíritum adopti-  
ónis, quo filii tui nominámur, & sumus,  
fideliter custodiámus. Per Dóminum, &c.

Léctio Isaíæ Prophétæ. *Cap. 58. v. 7.*

**F**Range esuriénti panem tuum, & egé-  
nos, vagósque induc in domum tu-  
am: cum videris nudum, óperi eum, &  
carnem tuam ne despéxeris. Tunc erúm-  
pet quasi mane lumen tuum, & sánitas  
tua citius oriétur, & anteíbit faciē tuam  
justitia tua, & glória Dómini colliget te.  
Tunc invocábis, & Dóminus exáudiet,  
clamábis, & dicet: Ecce adsum, si abstú-  
leris de médio tui caténam, & desieris ex-  
tendere digitum, & loqui, quod non pro-  
dest. Cum effúderis esuriénti ánimam tu-  
am, & ánimam afflíctam repléveris, ori-  
étur in ténebris lux tua, & ténebræ tuæ  
erunt sicut merídiēs. Et réquiem tibi da-  
bit Dóminus semper, & implébit splendó-  
ribus ánimam tuam, & ossa tua liberábit,  
& erit quasi hortus irriguus, & sicut fons  
aquárum, cujus non deficient aquæ.

Miss. Rom.

*Grad. Prov. 5. v. 16.* Derivéntur fontes tui  
foras, & in platéis aquas tuas dívide.

*V. Psal. 111.* Jucúndus homo, qui miseré-  
tur, & cómodat: dispónet sermónes suos  
in judicio, quia in ætérnum non commo-  
vébitur. Allelúja, allelúja.

Dispérsit, dedit paupéribus, justítia ejus  
manet in sæculum sæculi. Allelúja.

*Post Sept. ommissis Allelúja, & V. seq. dicitur*  
*Tract. Job. 31. v. 16. &c.* Si negávi, quod  
volébant, paupéribus, & óculos víduæ ex-  
pectáre feci. *V.* Si comédi bucéllam me-  
am solus, & non comédit pupíllus ex ea.

*V.* Quia ab infántia crevit mecum miserá-  
tio, & de útero matris meæ egréssa est  
mecum.

*Tempore Paschali in Missis votivis omittitur*  
*Graduale, & ejus loco dicitur: Alleluja, allel.*  
*V. Psal. 111.* Dispérsit, dedit paupéribus:  
justítia ejus manet in sæculum sæculi. *Allel.*  
*V. Psal. 83.* Elégi abjéctus esse in domo  
Dei mei, magis quam habitáre in taber-  
náculos peccatórum. Allelúja.



Sequéntia sancti Evangélii secún-  
dum Matthæum. *Cap. 19. v. 13.*

**I**N illo témpore: Obláti sunt ei párvu-  
li, ut manus eis impóneret, & oráret.  
Discípuli autem increpábant eos. Jesus ve-  
rò ait eis: Sinite párvulos, & nolite eos  
prohibére ad me veníre: tálíum est enim  
Regnum Coelórum. Et cum imposuísset  
eis manus, ábiit inde. Et ecce unus ac-  
cédens, ait illi: Magíster bone, quid bo-  
ni faciám, ut hábeam vitam ætérnam?  
Qui dixit ei: Quid me intérogas de bo-  
no? Unus est bonus Deus. Si autem vis  
ad vitam íngredi, serva mandáta. Dicit  
illi: Quæ? Jesus autem dixit: Non homi-  
cidium faciēs: Non adulterábis: Non fá-  
cies furtum: Non falsum testimónium di-



ces: Onóra Patrem tuum, & Matrem tuam: Et díliges Próximum tuum sicut te ipsum. Dicit illi adoléscentis: Omnia hæc custodívi a juventúte mea, quid adhuc mihi deest? Ait illi Jesus: Si vis perfectus esse, vade, vende, quæ habes, & da paupéribus, & habébis theláurum in Cœlo: & veni, séquere me.

*Offertor. Tobie 12.* Quando orábas cum lácrymis, & sepeliébas mórtuos, & derelinquébas prándium tuum, & mórtuos abscondébas per diem in domo tua, & nocte sepeliébas eos, ego obtuli orationem tuam Dómino.


#### SECRETA.

**C**lementissime Deus, qui véteri hómine cónsumpto novum secúndum te in Beáto Hierónymo creáre dignátus es: Da per mérita ipsius, ut nos páriter renováti hanc placatiónis hóstiam in odórem tibi suavíssimum offerámus. Per Dóminum nostrum, &c.

*Commun. Jacob. 1. v. 27.* Relígio munda, & immaculáta apud Deum, & Patrem hæc est. Vilitáre pupillos, & víduas in tribulatione eórum, & immaculátum se custodire ab hoc sæculo.

#### POSTCOMMUNIO.

**A**ngelórum pane refecti te, Dómine, suppliciter deprecámur; ut qui annuam Beáti Hierónymi Confessóris tui memóriam celebráre gaudémus, ejúsdem étiam, & exéplum imitémur, & amplíssimum in Regno tuo præmium obtinere valeámus. Per Dóminum, &c.



•••••

DIE XXI. AUGUSTI.

## IN FESTO S. JOHANNÆ

Franciscæ Frémot de Chantal,  
Ordinis Sanctimoniálum Visitationis  
S. Mariæ Fundatricis.

INTROITUS. *Psal. 118.*



Ognóvi, Dòmine, quia æquitas judícia tua, & in veritáte tua humiliásti me: confíge timóre tuo carnes meas: a mandátis tuis tímui. *Psal. ibid.* Beáti immaculáti in via, qui ambulánt in lege Domini. *V. Gloria, &c.*

#### OREMUS.

**O**Mnípotens, & Miséricors Deus, qui Beátam Johánnam Franciscam tuo amore succénsam admirándi Spíritus fortitúde per omnes vitæ fémitas in via perfectiόνis donásti; quique per illam illustráre Ecclesiám tuam nova prole voluísti: ejus méritis, & précibus concede, ut qui infirmitátis nostræ cónscii de tua virtúte confidimus, coelésti grátiae auxilio, cuncta nobis adversántia vincámus. Per Dóminum, &c.

Léctio libri Sapientiæ. *Prov. 31. b.*

**M**ulierem fortem quis invéniet? procul, & de últimis finibus prætium ejus. Confidit in ea cor viri sui, & spóliis non indigébit. Reddet ei bonum, & non malum ómnibus diébus vitæ suæ. Quæsívit lanam, & linum, & operáta est consilio mánuum suárum. Facta est quasi navis institóris, de longe portans panem suum. Et de nocte surréxit, deditque prædam domésticis suis, & cibária ancillis suis. Considerávit agrum, & emit eum: de fructu mánuum suárum plantávit vineam. Accinxit fortitúde lumbos suos, & roborávit bráchium suum. Gustávit, & vidit, quia bona est negotiatio ejus: non

ex-



extinguetur in nocte lucerna ejus. Manum suam misit ad fortia, & digiti ejus apprehenderunt fufum. Manum suam aperuit inopi, & palmas suas extendit ad pauperem. Non timebit domui suae a frigoribus nivis: omnes enim domestici ejus vestiti sunt duplicibus. Stragulatam vestem fecit sibi: byssus, & purpura indumentum ejus. Nobilis in portis vir ejus: quando sederit cum Senatoribus terrae. Sindonem fecit, & vendidit, & cingulum tradidit Chananæo. Fortitudo, & decor indumentum ejus, & ridebit in die novissimo. Os suum aperuit sapientiae, & lex clementiae in lingua ejus. Consideravit semitas domus suae, & panem otiosa non comedit. Surrexerunt filii ejus, & beatissimam predicaverunt; vir ejus, & laudavit eam. Multae filiae congregaverunt divitias, tu supergressa es universas. Fallax gratia, & vana est pulchritudo: mulier timens Dominum, ipsa laudabitur. Date ei de fructu manuum suarum, & laudent eam in portis opera ejus.

*Grad. Psal. 44.* Diffusa est gratia in labiis tuis: propterea benedixit te Deus in aeternum. *V.* Propter veritatem, & mansuetudinem, & justitiam; & deducet te mirabiliter dextera tua. Alleluja, alleluja. *V.* Specie tua, & pulchritudine tua intende, prosperè procede, & regna. Alleluja.



Sequentia sancti Evangelii secundum Matthaeum.

**I**n illo tempore: Dixit Jesus Discipulis suis parabolam hanc: Simile est Regnum Coelorum thesauro abscondito in agro: quem qui invenit homo abscondit, & prae gaudio illius vadit, & vendit universa, quae habet, & emit agrum illum. Iterum simile est Regnum Coelorum homini negotiatori querenti bonas margaritas. Inventa autem una pretiosa margarita abiit, & vendidit omnia, quae habuit, & emit eam. Iterum simile est Regnum Coelorum sagenae missae in mare, & ex omni genere piscium congreganti. Quam cum impleta esset, educentes, & secus littus sedentes, elegerunt bonos in vasa, malos autem foras miserunt. Sic erit in consummatione saeculi: exibunt Angeli,

& separabunt malos de medio justorum, & mittent eos in caminum ignis, ibi erit fletus, & stridor dentium. Intellexistis haec omnia: Dicunt ei: Etiam. Ait illis: Ideo omnis scribe doctus in Regno Coelorum, similis est homini patrifamilias, qui profert de thesauro suo nova, & vetera.

*Offertor. Psal. 44.* Diffusa est gratia in labiis tuis: propterea benedixit te Deus in aeternum, & in saeculum saeculi.

SECRETA.

**I**llo nos amoris igne, quaesumus Domine, haec hostia salutaris inflamet, quo Beatae Johanna Franciscæ cor vehementer incendit, & flammis adussit aeternae charitatis. Per Dominum, &c.

*Commun. ibid.* Dilexisti justitiam, & odisti iniquitatem: propterea unxit te Deus, Deus tuus, oleo laetitiae prae consortibus tuis.

POSTCOMMUNIO.

**S**piritum nobis, Domine, tuae charitatis infunde, ut quos coelestis panis virtute satiasti, Beata Johanna Francisca intercedente, facias terrena despiciere, & te solum Deum pura mente sectari. Per Dominum, &c.



DIE XXVII. AUGUSTI.

IN FESTO SANCTI JOSEPHI  
Calasancii, Confessoris.

INTROITUS.

*Psal. 33.*



Enite Filii, audite me, timorem Domini docebo vos.

Benedicam Dominum in omni tempore, semper laus ejus in ore meo. Gloria Patri &c. Venite Filii &c.

OREMUS.

**D**eus, qui per Sanctum Josephum Confessorem tuum ad erudiendam spiritum intelligentiae, ac pietatis juventutem novum Ecclesiae tuae subsidium providere di-



dignatus es; præsta quæsumus, nos ejus exemplo & intercessiōe ita facere, & docere, ut præmia consequamur æterna. Per Dñm &c.

Lectio libri Sapientiae.

Cap. 10.

**J**ustum deduxit Dñs per vias re-  
ctas, & ostendit illi Regnum Dei, &  
dedit illi scientiam Sanctorum, honestavit  
illum in laboribus, & complevit labores  
illius. In fraude circumvenientium illum  
adfuit illi, & honestum fecit illum. Cu-  
stodivit illum ab inimicis, & a seductori-  
bus tutavit illum; & certamen forte dedit  
illi, ut vinceret, & sciret, quoniam om-  
nium potentior est Sapientia. Hæc ven-  
ditum justum non dereliquit, sed a pec-  
catoribus liberavit eum, descenditque cum  
illo in foveam, & in vinculis non dereli-  
quit illum, donec afferret illi sceptrum  
Regni, & potentiam adversus eos, qui  
eum deprimebant, & mendaces ostendit,  
qui maculaverunt illum, & dedit illi cla-  
ritatem æternam Dñs Deus noster.

*Grad. Psal. 36.* Os justi meditabitur sa-  
pientiam, & lingua ejus loquetur judicium.  
*V.* Lex Dei in corde ipsius, & non sup-  
plantabuntur gressus ejus. Allelúja, allelúja.  
*V. Jacob. Cap. 1.* Beatus vir, qui suffert ten-  
tationem, quoniam cum probatus fuerit,  
accipiet coronam vitæ. Allelúja.

*Post Septuages. omissis Allelúja, & versu se-  
quenti, dicitur Tractus.*

*Psal. 111.* Beatus vir, qui timet Dñm,  
in mandatis ejus cupit nimis.  
*V.* Potens in terra erit semen ejus, gene-  
ratio rectorum benedicetur.  
*V.* Glória, & divitiæ in domo ejus, &  
justitia ejus manet in sæculum sæculi.

*Tempore Paschali omittitur Graduale, & ejus  
loco dicitur Allelúja, allelúja.*

*V. Jacob. 1.* Beatus vir, qui suffert tentatio-  
nem, quoniam cum probatus fuerit, ac-  
cipiet coronam vitæ. Allelúja.

*V. Eccles. 45.* Amavit eum Dñs, &  
ornavit eum, stolam gloriæ induit eum.  
Allelúja.



Sequentia Sancti Evangelii secun-  
dum Matthæum. Cap. 18.

**I**n illo tempore: Accesserunt Discipuli  
ad Jesum, dicentes: quis putas, major  
est in Regno Cælorum? Et advocans Je-  
sus parvulum statuit eum in medio eo-  
rum, & dixit: Amen dico vobis, nisi  
efficiamini sicut parvuli, non intrabitis in  
Regno Cælorum. Quicumque ergo hu-  
miliaverit se sicut parvulus iste, hic est  
major in Regno Cælorum, & qui susce-  
perit unum parvulum talem in nomine  
meo, me suscipit.


*Offertor. Psal. 10.* Desiderium pauperum  
exaudivit Dñs, præparationem cordis  
eorum audivit auris tua. **SECRETA.**

**A**ltare tuum, Dñe, muneribus cu-  
mulamus oblatis; ut ejus Nobis fiant  
supplicatione propitia, cujus Nos donasti  
Patrocínio adjuvâri. Per Dñm, &c.

*Commun. Marc. cap. 10.* Sinite parvulos ve-  
nire ad me, & ne prohibueritis eos: ta-  
lium est enim Regnum Dei.

**POSTCOMMUNIO.**

**S**anctificati, Dñe, salutari Mystério  
quæsumus, ut intercedente Sancto Jo-  
sepho Confessore tuo ad majus semper  
proficiamus pietatis incrementum. Per  
Dñm, &c.



**DIE XVIII. SEPTEMBRIS.**

**IN FESTO SANCTI JOSEPHI**

**a Cupertino Confessoris.**

**Ordinis Minorum Sancti Francisci  
Conventualium.**

**INTROITUS.** *Eccl. c. 1. v. 14. & 15.*



**D**ilectio Dei honorabilis sa-  
pientia: quibus autem ap-  
paruerit in visu, diligunt  
eam in visione, & in agni-  
tione magnalium suorum.  
*Psal. 83. v. 1.* Quam dilecta  
tabernacula tua, Dñe  
virtutum: concupiscit, & deficit anima  
mea in atria Domini. *V.* Glória, &c.

**OREMUS.**

**D**eus, qui ad Unigenitum Filium tu-  
um exaltatum a terra omnia trá-  
here disposuisti: perfice propitius, ut mé-  
ritis, & exemplo Seraphici Confessoris tui




Joséphi supra terrénas omnes cupiditátes eleváti ad Eum pervenire mereámur. Qui tecum vivit, & regnat, &c.

Lectio Epistolæ Beati Pauli Apóstoli ad Corínthios. *Epist. 1. c. 13.*

**F**Ratres, si linguis hóminum loquar, & Angelórum, charitátem autem non hábeam, factus sum velut æs sonans, aut cymbalum tinniens. Et si habúero prophetiam, & nóverim mystéria ómnia, & omnem sciéntiam; & si habúero omnem fidem, ita ut montes tránsferam, charitátem autem non habúero, nihil sum. Et si distribúero in cibos paúperum omnes facultátes meas, & si tradídero corpus meum, ita ut árdeam, charitátem autem non habúero, nihil mihi prodest. Cháritas pátiens est, benigna est: Cháritas non æmulátur, non agit pérperam, non inflá-tur, non est ambitiósa, non quærit quæ sua sunt, non irritáitur, non cógitat malum: non gaudet super iniquitáte, congáudet autem veritáti: ómnia suffert, ómnia credit, ómnia sperat, ómnia sústinet. Cháritas numquam excidit, siue prophetiæ evacuabúntur, siue linguæ cessábunt, siue sciéntia destruétur.

*Grad. Psal. 10.* Dómine prævenísti eum in benedictiónibus dulcédinis, potuísti in cápite ejus corónam de lápide pretióso. *V.* Vitam pétit à te, & tribuísti ei longitúdinem diérum in sæculum, & in læculum sæculi. Allelúja, allelúja.

*V. Eccl. c. 11. v. 13.* Oculus Dei respéxit illum in bono, & eréxit eum ab humilitáte ipsius, & exaltávit caput ejus. Allelúja.

 Sequéntia Sancti Evangélíi secúndum Matthæum. *Cap. 22.*

**I**N illo témpore: Loquebátur Jesus Prin-cípibus Sacerdótum, & Pharisæis in parábolis dicens: Símile factum est Regnum Coelórum hómini Regi, qui fecit núptias Filio suo. Et misit servos suos vocáre invitátos ad Núptias, & nolébant venire. Iterúm misit álios servos suos dicens: Dicite invitátis: Ecce prándium meum parávi, tauri mei, & altília mea occísa sunt, & ómnia paráta: veníte ad Núptias. Illi autem neglexérunt, & abiérunt, álius in villam suam: álius verò ad negotiatiónem suam: reliqui verò tenuérunt servos ejus, & contuméliis afféctos

occidérunt. Rex autem cum audisset, irátus est, & missis Exercítibus suis, pérdidit homicidas illos, & Civitátem eórum succéndit. Tunc ait servis suis: Núptiæ quídem paratæ sunt, sed qui invitáti erant, non fuérunt digni. Ite ergo ad éxitus viárum, & quoscúmque invenéritis, vocáte ad Núptias. Et egréssi servi ejus in vias, congregavérunt omnes, quos invenérunt, malos, & bonos: & implétæ sunt Núptiæ discumbéntium. Intrávit autem Rex, ut vidéret discumbéntes, & vidit ibi hóminem non vestítum veste Nuptiáli: Et ait illi: Amíce, quómodo huc intrásti, non habens vestem Nuptiálem? At ille obmú-tuit. Tunc dixit Rex Minístris: ligátis má nibus, & pedibus ejus, mittite eum in ténebras exteriorés: ibi erit fletus, & stridor déntium. Multi enim sunt vocáti, pauci verò elécti.

*Offertor. Ps. 34. v. 13.* Ego autem cum mihi moléstí essent, induébar cilício. Humiliábam in jejúnio ánimam meam: & orátio mea in sinu meo convertétur.

SECRETA.

**L**Audis tibi, Dómine, hóstias immolámus in tuórum commemoratióne Sanctórum, quibus nos & præsentibus exui malis confídimus, & futúris. Per Dóminum nostrum, &c.

*Commun. Ps. 68. v. 30. & 31.* Ego sum pauper, & dolens: salus tua Deus sulcépit me. Laudábo nomen Dei cum cántico: & magnificábo eum in laude.

POSTCOMMUNIO.

**R**Efécití cibo, potúque coeléstí, Deus noster, te súpplices exorámus, ut in cujus hæc commemoratióne percépi-mus, ejus muniámur, & précibus. Per Dóminum nostrum, &c.





DIE XX. OCTOBRIS.

IN FESTO S. JOHANNIS CANTII  
Confessoris.

INTROITUS. *Eccl. 18. 12.*



**M**iseratio hominis circa Pro-  
ximum, Misericordia au-  
tem Dei super omnem  
Carnem. Qui Misericor-  
diam habet, docet, & é-  
rudit quasi Pastor gregem  
suum.

*Pf. 1. 1.* Beátus Vir, qui non ábiit in con-  
silio impiórum, & in via peccatórum non  
stetit, & in cáthedra pestiléntiæ non se-  
dit. Glória Patri, &c. Miseratio hómi-  
nis, &c.

OREMUS.

**D**A quæsumus, Omnipotens Deus, ut  
Sancti Johannis Confessoris exem-  
plo in sciéntia Sanctorum proficiéntes, at-  
que áliis misericórdiam exhibéntes, ejus  
méritis indulgéntiam apud te consequá-  
mur. Per Dóminum nostrum, &c.

Lectio Epístolæ Beáti Jacóbi Apóstoli.

*Cap. 2. 12.*

**S**ic loquimini, & sic fácite, sicut per  
legem libertátis incipientes judicári:  
Judicium enim sine misericórdia illi, qui  
non facit misericórdiam: superexáltat au-  
tem misericórdia judicium. Quid próde-  
rit, fratres mei, si fidem quis dicat se há-  
bere, ópera autem non hábeat? Numquid  
póterit fides salváre eum? Si autem fra-  
ter, & soror nudi sunt, & indigeant vi-  
ctu quotidiáno; dicat autem áliquis ex vo-  
bis illis: Ite in pace, calefacimini, & sa-  
turámini; non déderit autem eis, quæ ne-  
cessária sunt córpori, quid próderit? Sic  
& fides, si non hábeat ópera, mórtua est  
in semetipsa.

*Grad. Pf. 106. 8.* Confiteántur Dómino mi-  
sericórdiæ ejus, & mirabilia ejus filiis hó-  
minum.

*V. Pf. 106. 9.* Quia satiávit ánimam iná-

nem, & ánimam esuriéntem satiávit bo-  
nis. Allelúja, allelúja.

*V. Prov. 31. 20.* Manum suam apéruiť ino-  
pi, & palmas suas exténdit ad páupe-  
rem. Allelúja.



Sequéntia sancti Evangélii secún-  
dum Lucam. *Lucæ 12. 35.*

**I**n illo témpore: Dixit Jesus Discípulis  
suis: sint lumbi vestri præcincti, & lu-  
cérnæ ardéntes in mánibus vestris, & vos  
similes hominibus expectántibus Dóminum  
suum, quando revertátur à nuptiis, ut,  
cum vénerit, & pulsáverit, conféstim apé-  
riant ei. Beáti Servi illi, quos cum véne-  
rit dominus, invénerit vigilántes. Amen  
dico vobis, quod præcinget se, & fáciat  
illos discumbere, & tránstans ministrábit  
illis. Et si vénerit in secúnda vigília, &  
si in tértia vigília vénerit, & ita invéne-  
rit, beáti sunt servi illi. Hoc autem sci-  
tote, quóniam si sciret pater famílias, qua  
hora fur veniret, vigiláret útique, & non  
sineret perfódi domum suam. Et vos estó-  
te paráti, quia qua hora non putátis, Fí-  
lius hóminis véniet.

*Offertor. Job. 29. 14.* Justitia indútus sum;  
& vestivi me sicut vestiménto, & diadé-  
mate, iudicio meo, óculus fui cæco, &  
pes claudó. Pater eram páuperum.

SECRETA.

**H**As quæsumus, Dómine, Hóstias San-  
cti Johannis Confessoris tui méritis  
benignus adsúme, & præsta, ut te super  
ómnia, & omnes propter te diligéntes,  
corde tibi, & ópere placeámus. Per Dó-  
minum &c.

*Commun. Luc. 6. 38.* Date, & dábitur vo-  
bis, mensúram bonam, & confértam, &  
coagitátam, & supereffluéntem dabunt in  
sinum vestrum.

POSTCOMMUNIO.

**P**retiósi Cóporis, & Ságuinis tui, Dó-  
mine, pasti deliciis tuam súpplices  
deprecámur cleméntiam, ut Sancti Johan-  
nis Confessoris tui memóriam, & exem-  
plis, ejúldem charitátis imitatóres effécti,  
consórtes simus, & glóriæ. Qui vivis, &c.



DE MANDATO REVEREND.<sup>MI</sup> EPISCOPI CASALEN.

**J**uxta præscriptum Imperialis Decreti sub die 7. Germin. An. XIII. infrascripta Missa pro Festo S. Rochi exhibita Nobis fuit, nihilque per Nos obstat, quominus typis mandetur. In quor. fid.

Casali e Palatio Episcopali die 3. Augusti 1805.

Th. Fr. M. Salina Vic. Generalis.

DIE XVI. AUGUSTI

IN FESTO

S. ROCHI CONFESSORIS

Duplex min. ex Decreto 13. Maji 1805.

INTROITUS. *Psal. 91.*

**J**ustus ut palma florebit: sicut cedrus Libani multiplicabitur: plantatus in domo Domini, in atriis domus Dei nostri.

*Psal. ibid.* Bonum est confiteri Domino, & psallere nomini tuo, Altissime. *V.* Gloria Patri, & Filio, &c. Justus.

ORATIO.

**P**opulum tuum, quæsumus, Domine, continua pietate custodi, & Beati Rochi suffragantibus meritis, omni fac animæ, & corporis contagione securum. Per Dominum nostrum.

*Fit commemoratio Assumpt. B. M. V. Famulorum.*

LECTIO EPISTOLÆ BEATI PAULI APOSTOLI AD CORINTHIOS.

*I. Cor. 4. h.*

**F**ratres: Spectaculum facti sumus mundo, & Angelis, & hominibus. Nos stulti propter Christum, vos autem prudentes in Christo: nos infirmi, vos autem fortes: vos nobiles, nos autem ignobiles. Usque in hanc horam & esurimus, & sitimus, & nudi sumus, & colaphis cædimur, & instabiles sumus, & laboramus operantes manibus nostris: maledicimur, & benedicimus: persecutionem patimur, & sustinemus: blasphemamur, & obsecramus: tamquam purgamenta hujus mundi facti sumus omnium peripsema usque adhuc. Non ut confundam vos, hæc scribo, sed ut filios meos charissimos moneo, in Christo Jesu Dom. nostro.



**Graduale . Psal. 36.** Os justi meditabitur sapientiam, & lingua ejus loquetur judicium.

Ÿ. Lex Dei ejus in corde ipsius: & non supplantabuntur gressus ejus.

Alleluja, alleluja. Ÿ. *Psal. 111.* Beatus vir, qui timet Dominum: in mandatis ejus cupit nimis. Alleluja.

✠ SEQUENTIA SANCTI EVANGELII  
SECUNDUM LUCAM. *Luc. 19. b.*

**I**n illo tempore: Dixit Jesus Discipulis suis parabolam hanc: Homo quidam nobilis abiit in regionem longinquam accipere sibi regnum, & reverti. Vocatis autem decem servis suis, dedit eis decem mnas, & ait ad illos: Negotiamini, dum venio. Cives autem ejus oderant eum: & miserunt legationem post illum, dicentes: Nolumus hunc regnare super nos. Et factum est, ut rediret accepto regno: & jussit vocari servos, quibus dedit pecuniam, ut sciret quantum quisque negotiatus esset. Venit autem primus, dicens: Domine, mna tua decem mnas acquisivit. Et ait illi: Euge, bone serve, quia in modico fuisti fidelis, eris potestatem habens super decem Civitates. Et alter venit, dicens: Domine, mna tua fecit quinque mnas. Et huic ait: Et tu esto super quinque Civitates. Et alter venit, dicens: Ecce mna tua, quam habui repositam in sudario: timui enim te, quia homo austerus es: tollis, quod non posuisti, & metis, quod non seminasti. Dicit ei: De ore tuo te judico,

serve nequam. Sciebas, quod ego homo austerus sum, tollens, quod non posui, & metens, quod non seminavi: & quare non dedisti pecuniam meam ad mensam, ut ego veniens, cum usuris utique exegissem illam? Et astantibus dixit: Auferte ab illo mnam, & date illi, qui decem mnas habet. Et dixerunt ei. Domine, habet decem mnas. Dico autem vobis, quia omni habenti dabitur, & abundabit: ab eo autem, qui non habet, & quod habet auferetur ab eo. Credo.

Offertorium. *Psal. 20.* In virtute tua, Domine, lætabitur justus, & super salutare tuum exultabit vehementer: desiderium animæ ejus tribuisti ei. **SECRETA**

**P**ræsta nobis, quæsumus, omnipotens Deus, ut nostræ humilitatis oblatio & pro tuorum tibi grata sit honore Sanctorum, & nos corpore pariter, & mente purificet. Per Dominum nostrum.

*Et fit cōmem. Assumpt.* Subveniat. Præfatio de Assumpt.

Communio. *Matth. 19.* Amen dico vobis, quod vos, qui reliquistis omnia, & secuti estis me, centuplum accipietis, & vitam æternam possidebitis. **POSTCOMMUNIO**

**Q**uæsumus, omnipotens Deus, ut qui coelestia alimenta percepimus, intercedente Beato Rocho Confessore tuo, per hæc contra omnia adversa muniamur. Per Dominum. &

*Fit comm. Assumpt. Mensæ coeles.*



EX INDULTO  
SANCTISSIMI DOMINI NOSTRI  
DOMINI BENEDICTI

*Divina Providentia Papæ XIII. sub die 20. Martij 1728.*

Ad pias, enixasque preces SERENISSIMI REGIS SARDINIÆ emanato.

*Die xxvii. Novembris.*

MISSA IN FESTO  
B. MARGARITÆ

*De Sabaudia Vid.*

Ordinis Prædicatorum. Duplex.

*Ad formam concessionis factæ pro Ordine  
PP. Prædicatorum.*

*Pro Universo Sardinie Regno, & Dominiis eidem  
SERENISSIMO REGI subjectis.*

Introitus. *Psal. 118.*



Ognovi Domine, quia æqui-  
tas judicia tua, & in ve-  
ritate tua humiliasti me:  
confige timore tuo carnes  
meas, à mandatis tuis timui.

*Psal. ibid.* Beati immaculati in via: qui  
ambulant in lege Domini

✠ Gloria Patri. Gloria in excelsis Deo.

*Oratio.*

**D**Eus, qui Beatam Margaritam à  
 sæculi pompa, ad humilem tuæ  
Crucis sequelam toto corde transire do-  
cuisti: concede, ut ejus meritis, & exem-  
plo discamus perituras mundi calcare de-  
licias, & in amplexu tuæ Crucis omnia  
nobis adversantia superare Qui vivis.

**L**ectio Libri Sapientiæ. *Prov. 31.*

**M**ulierem fortem quis inveniet?  
Procul, & de ultimis finibus

pretium ejus. Confidit in ea cor viri sui,  
& spoliis non indigebit. Reddet ei bo-  
num, & non malum, omnibus diebus  
vitæ suæ, Quæsit lanam, & linum, &  
operata est consilio manuum suarum.  
Facta est quasi navis institoris, de longe  
portans panem suum. Et de nocte sur-  
rexit, deditque prædam domesticis suis,  
& cibaria ancillis suis. Consideravit  
agrum, & emit eum: de fructu manu-  
um suarum plantavit vineam. Accin-  
xit fortitudine lumbos suos, & roboravit  
brachium suum. Gustavit, & vidit  
quia bona est negotiatio ejus. non ex-  
tinguetur in nocte lucerna ejus. Manum  
suam misit ad fortia, & digiti ejus appre-  
henderunt fenum. Manum suam aper-  
vit inopi, palmas suas extendit ad pau-  
perem. Non timebit domui suæ à frigo-  
ribus nivis: omnes enim domestici ejus  
vestiti sunt duplicibus. Stragulatam ve-  
stem fecit sibi: byssus & purpura indu-  
mentum ejus. Nobilis in portis vir ejus  
quando federit cum Senatoribus terræ.  
Sindonem fecit, & vendidit, & cingu-  
lum tradidit Chanaan. Fortitudo,  
& decor indumentum ejus, & ridebit  
in die novissimo. Os suum aperit sa-  
pientiæ, & lex clementiæ in lingua  
ejus. Consideravit semitas domus suæ,  
& panem otiosa non comedit. Surrexe-  
runt filii ejus, & beatissimam prædica-  
verunt: vir ejus, & laudavit eam. Mul-  
tæ filiæ congregaverunt divitias: tu  
supergressa es universas. Fallax gratia,  
& vana est pulchritudo. mulier timens  
Dom-



**D**ominum ipsa laudabitur. Date ei de fructu manuum suarum: & laudent eam in portis opera eius.

*R. Psal. 44.* Propter veritatem, & mansuetudinem, & iustitiam, & deducet te mirabiliter dextera tua.

*V.* Audi filia, & vide, & inclina aurem tuam: quia concupivit Rex speciem tuam. Alleluia, Alleluia.

*V.* Veni electa mea, & ponam in te thronum meum: quia concupivit Rex speciem tuam. Alleluia.

Sequentia sancti Evangelii secundum

Mathæum. *cap. 13. V. 44.*

**I**n illo tempore: Dixit Jesus Discipulis suis parabolam hanc: Simile est regnum cœlorum thesauro abscondito in agro: quem qui invenit homo, abscondit, & præ gaudio illius vadit, & vendit universa quæ habet, & emit agrum illum. Iterum simile est regnum cœlorum homini negotiatori quærenti bonas Margaritas. Inventa autem una prætiosa Margarita, abiit & vendidit omnia quæ habuit, & emit eam. Iterum simile est regnum cœlorum sagenæ missæ in mare, & ex omni genere piscium congreganti. Quam, cum impleta esset, educentes, & secus litus sedentes, elegerunt bonos in vasa, malos autem foras miserunt. Sic erit in consummatione

saeculi: exhibunt Angeli, & separabunt malos de medio iustorum, & mittent eos in caminum ignis: ibi erit fletus, & stridor dentium. Intellexistis hæc omnia? Dicunt ei: Etiam. Ait illis: Ideo omnis scribe doctus in regno cœlorum similis est omni patri familias, qui profert de thesauro suo nova, & vetera. *Offertor. Psal. 44.* Filiæ regum in honore tuo astitit Regina à dextris tuis in vestitu deaurato, circumdata varietate.

*Secreta.*

**M**unera, Domine, nostræ devotionis offerimus: ut tibi grata & nobis salutaria, B. Margaritæ pia supplicatione reddantur. Per.

*Communio. Psal. 44.* Diffusa est gratia in labiis tuis, propterea benedixit te Deus in æternum.

*Post communio.*

**Q**uæsumus omnipotens Deus: ut quos salutaribus dignatus es erudire mysteriis, Beatæ Margaritæ intercessionem gloriosam, cœlestibus reficias alimentis. Per Dominum.

---

Typis Joannis Radix, sub signo Angeli Custodis. *Superiorum permissu.*  
Ad iustanza di Giuseppe Antonio Morano Libraro.



D I E XXI. J U N I I.  
I N F E S T O  
S. A L O Y S I I  
G O N Z A G Æ  
M I S S A.

*Introitus.* Psalm. 8. 6.



Inuisti eum paulò minus  
ab Angelis: gloria, &  
honore coronasti eum.  
*Psalm.* 148. 2. Laudate

Dominum omnes Angeli ejus lau-  
date eum omnes virtutes ejus.

Gloria Patri &c. Minuisti eum.

*Oratio.*

**C**oelestium donorum distribu-  
tor Deus, qui in Angelico  
Juvene Aloysio miram vitæ inno-  
centiam pari cum poenitentia so-  
ciasti; ejus meritis, & precibus  
concede, ut innocentem non se-  
cuti, poenitentem imitemur. Per  
Dominum &c.

*Lectio Libri Sapientia.*

*Eccl.* 31. 8.

**B**eatus vir, qui inventus est si-  
ne macula: & qui post au-  
rum non abiit, nec speravit in  
pecunia, & thesauris. Quis est  
hic, & laudabimus eum? fecit  
enim mirabilia in vita sua. Qui

probatus est in illo, & perfectus  
est, erit illi gloria æterna. Qui  
potuit transgredi, & non est tran-  
sgressus; facere mala, & non fe-  
cit: ideo stabilita sunt bona illius  
in Domino.

*Graduale.* *Psalm.* 70. 5. Domi-  
ne spes mea a juventute mea: in-  
te confirmatus sum ex utero, de  
ventris matris meæ tu es protector  
meus.

*Psalm.* 40. 13. Me autem  
propter innocentiam suscepisti &  
confirmasti me in conspectu tuo in  
æternum. Alleluja Alleluja.

*Psalm.* 65. 5. Beatus quem  
elegisti, & assumpsisti: inhabita-  
bit in atriis tuis. Alleluja.

*Sequentia S. Evangelii secundum  
Matthæum.*

*Matth.* 22. 29.

**I**n illo tempore respondens Jesus  
ait Sadducæis; Erratis nescien-  
tes scripturas, neque virtutem Dei.  
In resurrectione enim neque nu-  
bent, neque nubentur; sed erunt  
sicut Angeli Dei in cælo. De re-  
surrectione autem mortuorum non  
legistis



legistis quod dictum est a Deo dicente vobis: Ego sum Deus Abraham, & Deus Isaac, & Deus Jacob? Non est Deus mortuorum, sed viventium. Et audientes turbæ mirabantur in Doctrina eius. Pharisei autem audientes quod silentium imposuisset Sadducæis, convenerunt in unum; & interrogavit eum unus ex eis legis doctor tentans eum: Magister, quod est mandatum magnum in lege? Ait illi Jesus: Diliges Dominum Deum tuum ex toto corde tuo, & in tota anima tua, & in tota mente tua. Hoc est maximum, & primum, mandatum. Secundum autem simile est huic: Diliges proximum tuum sicut te ipsum, In his duobus mandatis universa lex pendet, & Prophetæ.

*Offertorium. Psal. 25.*

**Q**uis ascendet in montem Domini, aut quis stabit in loco sancto eius? Innocens manibus, & mundo corde.

*Secreta.*

**C**oelesti convivio fac nos, Domine, nuptiali veste indutos accumbere; quam B. Aloysii pia præparatio & uges lacrymæ inestimabilibus ornabant margaritis. Per Dominum &c.

*Communio. Psal. 77.*

25. **P**anem Coeli dedit eis: Panem Angelorum manducavit homo.

*Post Communio.*

**A**ngelorum esca nutritos Angelicis etiam, Domine, de moribus vivere, & eius, quem hodie colimus, exemplo, in gratiarum semper actione manere. Per Dominum &c.



**TICINI REGII, MDCCXXXVII.**

Typis Hæred. Ghidini Impress. Curia Archiep. Episc., ac S. Officii.  
**SUPERIORUM PERMISSU.**